



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Articulus mortis.

urn:nbn:de:hbz:466:1-41753

quando certò credit, nec se, nec aliquid suum peste infectum, potest enim intelligere, se inde non venire ita vt aliquid mali ibi contraxerit, &c. Eiusmodi autem æquiocationibus vt, addito etiam iuramento absque causâ, non est peccatum mortale; quia huic iuramento deest sola discretio, seu iudicium, modò ne id fiat in fraudem tertij, aut in iudicio, dum Iudex iuridicè interrogat. Sanchez & alij. p. 3. tr. 6. ref. 30.

Aqua lustralis.

Aqua lustralis, seu benedicta, ex opere operato delet peccata venialia. Bellarmin. & alij 8 p. 3 tr. 4 ref. 61.

Articulus mortis.

1 **Q**uæ opinio fuit probabilis in vitâ, est etiam talis in articulo mortis: quia inter opiniones in conscientiâ securas, vna non est securior alterâ quoad impeccabilitatē: neque enim maior potest dari securitas, quàm non peccare, quod sequitur ex quavis opinione probabili. Saneius p. 2. tr. 13. ref. 9.

2 Infirmus in articulo mortis positus, non tenetur in rigore, & ex præcepto elicere actum contritionis de omnibus

peccatis mortalibus: sed sufficit confessio cum attritione cognita. Optimum tamen factu reor, in articulo mortis excitare perfectum dolorem de peccatis ob amorem Dei. Coninck & alij 4.p.3. tr.4.ref.98. & p.5.tr.3.ref.76.

3 Qui letaliter vulneratus non potest simul confiteri & curari, primùm confiteatur vnicum peccatum, & tunc medici curationem adhibeat, ac deinde si adhuc viuat integrè confiteatur: aut certè si medici nullo tempore curationem volunt intermittere, & periculum est mortis, sufficit si alta voce dicat se peccatorem vt possit absolui, quia non tenetur coram aliis etiam leue peccatum exprimere. Sancius p.5.tr.3.ref.56.

4 In articulo mortis potest quilibet Sacerdos etiã degradatus, imò & hæreticus, absolvere à quibuslibet peccatis & censuris reseruatiss, etiam ab hæresi. Est autem articulus mortis quodlibet probabile periculũ mortis, quod quis adit etiam sine necessitate. v.g. in bello iusto, longâ maris nauigatione, &c. vel à primâ die infirmitatis periculosa. Vasq. & alij 18. idque verum est etiam si præsens esset confessarius approbatus, vel habens ordinariam potestatem. Nauarr. &

alij 14. imò potest à tali petere absolutionem, cùm id possit facere sine peccato, si velit, & cùm possit petere, tenetur, nisi fortè esset periculum scandalì, vel peruersionis ab hæretico. Hurtad. & alij 3. p. 3. tract. 4. ref. 57. p. 4. tr. 4. ref. 235. & p. 5. tr. 3. ref. 57. 65. 59. 60. & 58. Debet tamen sic absolutus à censuris, si superuixerit, se præsentare summo Põtifici; nam cum hoc onere absolutus censetur sub pœnâ reincidentia: quod si nolit, potest iterum absolui ab habente legitimam potestatem. Suar. & alij 3. sed hoc onus non est necessariò sub iuramento imponendum. imò aliqui generatim negant illud, nisi quando censura habet onus satisfaciendi causæ propter quam incurritur. Nauar. & alij 2. p. 1. tr. 5. ref. 5. & p. 5. tr. 3. ref. 67. & tr. 9. ref. 67. & tr. 14. ref. 59.

5 Damnati ad mortem censendi sunt esse in articulo mortis, non autem qui sunt in triremibus, nisi adeant periculosam nauigationem, vel pugnam naualem. Hurtad. & alij Item banniti qui à quouis impunè possunt occidi, nisi quando habent saluum conductum. Belloch. & alij 2. p. 5. tr. 3. re. 61. 62. & 64.

6 Non quælibet mulieres parturien-

res, censentur esse in periculo mortis, ita ut possint à censuris, & reseruatibus absolui: sed illæ tantum quæ numquam pepererunt, vel quæ difficiles & periculosos partus habere solent. Sanchez & alij 12. p. 3. tr. 4. res. 72. Sed de quibusvis, saltem in ipso partu, id docet Hurtad. & alij 2. p. 3. tr. 4. res. 72. & p. 5. tr. 3. res. 63.

B.

BAPTISMVS.

1 **I**lla quantitas aquæ sufficiens est ad Baptismum, quæ potest contingere corpus, & successiuè fluere per aliquam eius partem. Vasq. & alij 3. Illa autem aqua esse potest ex sale, niue, aut gelu liquefactis; est enim essentialiter aqua. Idem dicendum de aquâ quæ ex ollâ euaporatur & hæret in tegumento, & quæ hyeme ex lapidibus, & parietibus manat. Ille tamen humor qui ex vite, aut arbore fluit, non videtur esse aqua, quamquam in casu necessitatis, ad baptismum adhiberi potest. Henricq. & alij. p. 3. tr. 4. res. 5.

2 Moribundo infanti Baptismus impendi debet etiam in materiâ dubiâ, ut
iure